



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.52. Pretextati cædes.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VI. ad S. Mariani, & aliis diebus ad alias
A. C. 585. Ecclesias. Id quoque Aunacarii cura ef-
 fectum, ut certis viris injungeretur mu-
 nus in Ecclesia Cathedrali S. Stephani
 singulis per Septimanam noctibus Vigi-
 lias celebrandi; unde cognoscimus, di-
 versas Clericorum & Monachorum Con-
 gregationes alternis vicibus hoc officio
 fuisse defunctos; at de die Sabbati nul-
 la mentio.

§. LII.

Pretextati Cædes.

Greg. VIII. *bist. c. 31.* Interim Regina Fredegunda muliebri
 pertinacia persuasum habebat, Pre-
 textato Episcopo atrociorum inimicum
 sibi non esse, utpote Reginae Brunehil-
 dis amicum. Cum Rothomagi versaretur,
 ei aliquando inclementius locuta
 minas quoque adjecit, se ipsum secundo
 in Exilium ejectionem. Episcopus virili
 constantia foeminae respondit, increpuit
 ob tot admitta crimina, & severum Dei
 Judicium timere jussit. Sequenti die Do-
 minica in Ecclesiam mature se contulit,
 atque inchoato officio consedit in Solio.
 Tunc vero pessimum Fredegundæ man-
 cipium proxime accedens educto e cin-
 gulo pugione Episcopum ferit infra axil-
 lam. Exclamat Pretextatus, ut Clerici
 ad auxilium procurrerent, sed nemo se
 movit. Tum manus cruentatas Altari
 impo-

imponens oravit; peractis precibus a mi-
 nistris in suum cubiculum devehitur & in Sæculum VI.
A. C. 585.
 lectum attollitur. Illico etiam Fredegun-
 da venire & vulneratum invisere susti-
 nuit, dixitque: *Sancte Episcopo! tam*
nos, quam populus tuus dolemus vices tuas.
Sed faxit Deus, ut percussor deprehenda-
tur! reposuit Pretextatus: *Et quis alius*
facinoris auctor sit, nisi illa manus, quæ
tot Reges sustulit, Et tot insontium san-
guinem fudit? Cumque Fredegunda Me-
 dicorum suorum operam promitteret,
 respondit: *Dei voluntas est, ut huic Mun-*
do eripiar; tu vero tot malorum causa hu-
mani Generis execratio eris, Et Deum
meæ mortis ultorem senties. Illa deinde
 discedente, quid de rebus suis fieri vel-
 let, decrevit, & obiit.

Romacarius Episcopus Constantinen-
 sis comperta cæde advenit, curavitque
 ut funus tumulo inferretur, civibus Ro-
 thomagensibus & præprimis e gente Fran-
 corum Optimatibus Episcopi charissimi
 fatum vehementer lugentibus. Ludo-
 baldus Bajocensis, qui in illa Provincia
 Episcoporum primus habebatur, cura
 Ecclesiæ Rothomagensis sede vacante in
 se suscepta litteras dedit ad omnes Epi-
 scopos, & exquisito ipsorum consilio o-
 mnes Ecclesias in Civitate Rothomagensi
 claudi iussit, ne populus Officio Divino
 interesse posset, donec patefieret, quis
 L 3 tanti

Sæculum VI. A. C. 586. tanti sceleris auctor fuisset. Is quoque mandavit, ut aliquot viri comprehenderentur, qui deinde in tormentis facti sunt, atrox facinus imperante Fredegunda fuisse patratum. Hac re ad Regem Guntramum delata tres misit Episcopos Artemium Senonensem, Veranum Caballionensem, & Agrecium Trecensem ut de isto crimine cum illis, qui Clotarii juventutem moderabantur, cognoscerent. Verum Optimates delegatis a Guntramo Episcopis responderunt: *peractum scelus summopere detestamur, & nihil magis curæ nobis erit, quam ne impunitum remaneat; si vero, qui reus est, inter nos versatur, non concedemus, ut ad vestrum Regem deducatur, cum Auctoritate Regis nostri plecti possit. Igitur scire vos oportet, reposuerunt Episcopi, nisi illi tradatur, qui nefas perficere ausus est, Regem nostrum cum exercitu venturum, & Regionem istam igne ferroque deleturum.* Nullo alio Responso accepto revertentes edicebant, nunquam se passuros, ut Melanius olim in Sedem Pretextati ipso exulante intrusus quocunque actu Episcopali fungeretur.

c. 41.

Interim cum Fredegunda per totam Provinciam fama publica accusaretur, quod ipsa mandante Pretextatus fuisset interfectus, ut objectum crimen dilueret, jubet Seryum illum, qui Virum

San-

Sanctum percusserat, capi, & crudeli-
 ter verberibus contundi, ac si nequiter
 falsum crimen de Domina sua commen-
 tus esset; tum in potestatem Nepotis oc-
 cisi Episcopi tradit. Is adhibitis tormen-
 tis ex Servo verum expressit. *Fateor,*
inquebat, accepi centum solidos aureos a
Fredegunda Regina, ut necem Episcopo
inferrem, quinquaginta solidos addidit
Melanius Episcopus, rursusque quinqu-
aginta alios Archidiaconus Rothomagensis.
Præterea polliciti sunt, quod me & ux-
orem meam libertate donare vellent. Ad
 hæc Pretextati nepos evaginato gladio
 confitentem cæsim interficit, sive jure
 Francorum usus, quod propinquis licen-
 tiam dabat parricidam necandi, sive cre-
 diderit, id sibi in nequissimum manci-
 pium & a Domina sua derelictum licere.
 Ecclesia S. Pretextatum tanquam Marty-
 rem 24. Febr. colit. Pretextato occiso
 Fredegunda Melanium in Sedem Rotho-
 magensem induxit.

Sæculum VI.
 A.C. 586.

§. LIII.

Interdicta Ecclesiastica.

Quod in hac rerum gestarum serie nar-
 ratur, Episcopum Bajocensem Ec-
 clesias Rothomagi claudi jussisse, Inter-
 dictorum Ecclesiasticorum exemplum est,
 atque referente Gregorio Turonensi plu-
 ra alia legimus. Annis abhinc aliquot

Greg. V.
 hist. c. 33.